

PM SENTUH KAMPUCHEA, LEBANON DI SIDANG BB

KUALA LUMPUR, Rabu — Segala aspek berkaitan kepentingan Malaysia, khususnya masalah Kampuchea dan sengketa Lebanon, akan disentuh oleh Perdana Menteri, Datuk Seri Dr. Mahathir Mohamad, ketika membentangkan ucapannya di persidangan agung Bangsa-Bangsa Bersatu, Rabu depan.

Selain itu, hubungan

dua hala antara Malaysia dengan negara-negara Afrika, dan masalah undang-undang laut yang belum selesai juga akan disentuh.

"Bagaimanapun, perkara penting ialah menentukan kita mendapat sokongan bagi menjamin kerusi Demokratik Kampuchea pimpinan Putera Norodom Sihanouk di Bangsa-Bangsa Bersatu."

Demikian jelas Men-

teri Luar, Tan Sri Ghazali Shafie, dalam sidang akhbarinya hari ini.

Katanya, Perdana Menteri akan memberi ucapan sulungnya di perhimpunan itu pada 29 September, petang.

Menurut Tan Sri Ghazali, setakat ini, banyak negara, terutamanya yang berkecuali, menyokong kerajaan Demokratik Kampuchea.

"Kita yakin pengun-

dian memihak kepada Demokratik Kampuchea," katanya.

Menyentuh peranan Malaysia membantu negara-negara Afrika, Tan Sri Ghazali berkata:

"Kita mempunyai prinsip untuk menyumbang ke arah keamanan dunia, meskipun keadaan ekonomi sekarang merosot."

Sehubungan ini, tambah beliau, Malaysia akan mengadakan perhubungan dua hala dengan beberapa negara Afrika. Kedutaan Malaysia juga akan ditubuhkan di Bama Ko (Mali) tidak lama lagi.

Satu jabatan bagi membantu negara-negara Afrika telah ditubuhkan di Wisma Putera. Sepasukan pegawai juga akan dihantar ke Mali bagi mengkaji aspek-aspek tertentu yang boleh Malaysia sumbangkan ke arah pembangunan negara itu.

"Bangsa-Bangsa Bersatu mengundang Malaysia memberi kerjasama menyelesaikan masalah rakyat di Namibia," tambah beliau.

Menyentuh sengketa Lebanon, khususnya pembunuhan beramai-ramai rakyat Palestin oleh puak Kristian Falange, Menteri Luar berkata, pergolakan itu mesti dilihat dalam andaiian berlainan.

Katanya, kalau dahulu, pejuang Palestin dikatakan bertindak kasar, kini Israel pula bersikap demikian.

Tambah beliau, sikap Israel seperti itu bukan sahaja tidak berperikemanusiaan, tetapi menunjukkan reaksi orang yang kalah.

"Berdasarkan andaiar baru ini, barangkali kita boleh mencari penyelesaiannya," tambah beliau.

Bahan asal dari Arkib
Negara Malaysia

No. Siri 2972
No. Penerimaan 717/85